

《鄘風·載馳》

《毛詩序》：

載馳。許穆夫人作也。閔其宗國顛覆。自傷不能救也。衛懿公為狄人所滅。國人分散。露于漕邑。許穆夫人閔衛之亡。傷許之小。力不能救。思歸唁其兄。又義不得。故賦是詩也。

原文：

載馳載驅。歸唁衛侯。  
驅馬悠悠。言至于漕。  
大夫跋涉。我心則憂。

既不我嘉。不能旋反。視爾不臧。我思不遠。

既不我嘉。不能旋濟。視爾不臧。我思不閔。

陟彼阿丘。言采其蟲。  
女子善懷。亦各有行。  
許人尤之。眾穉且狂。

我行其野。芄芄其麥。  
控于大邦。誰因誰極。  
大夫君子。无我有尤。  
百爾所思。不如我所之。

載馳 五章